



OPĆINA TEŠANJ

IZVJEŠTAJ 2019.

OPĆINSKOG NAČELNIKA
za 2019. godinu

Broj: 02-45-1-65/20

Datum: 13.01.2020

SADRŽAJ

UVOD.....	3
LOKALNA UPRAVA	4
<i>E-uprava</i>	6
REALIZACIJA STRATEŠKIH DOKUMENATA I RAZVOJNIH PROJEKATA	8
BUDŽET OPĆINE TEŠANJ.....	8
EKONOMIJA I POSLOVNO OKRUŽENJE	9
EKOLOGIJA I OKOLIŠ.....	11
Civilna zaštita (prevencija i sanacija)	12
MLADI.....	13
KULTURA I NASLIJEĐE	13
POLJOPRIVREDA	14
KOMUNALNA INFRASTRUKTURA I SAOBRAĆAJ.....	14
JAVNA PREDUZEĆA I USTANOVE	16
MJESNE ZAJEDNICE	16
NVO	18
BORAČKE POPULACIJE.....	18
PENZIONERI, SOCIJALNA ZAŠTITA	20
DOMAĆE I MEĐUNARODNE INSTITUCIJE-SARADNJA SA DRUGIMA	20
REZIME	22

**„Život je kao vožnja biciklom,
treba neprestano ići naprijed, bez zaustavljanja, da se ne izgubi ravnoteža“**

Albert Ajnštajn

UVOD

Izveštaj za 2019. godinu rađen je u cjelovitom obliku sa informacijama iz različitih područja djelovanja. Ključni vanjski faktori koji su uticali na rad u 2019. godini su:

- Relativno kasno formiranje Vlade ZDK, što je već usaglašene zajedničke projekte prolongiralo i uvodilo u nova predstavljanja i usaglašavanja,
- Izostanak implementacije općih izbora na nivou FBiH i BiH, što je poremetilo dinamiku planova općine, koji su povezani sa ovim nivoima vlasti, ali i uticalo na ukupna kretanja. Politički ambijent se neizostavno prenosi i na lokalni nivo kroz konkretne aktivnosti (npr. zbog krize u odnosima FBiH i RS, nije došlo do početka gradnje trafo stanice u Gliništu, investicije od cca 5.5 miliona KM, iako sredstva za ove namjene postoje.
- Početno umanjeње vraćanja PDV-a zbog kojeg je skoro pola godine vođena aktivnost na ispravci greške Federalnog ministarstva finansija,
- Dvije prirodne nesreće, koje su u maju i augustu angažovale značajna sredstva i veliki broj uposlenih,
- Trend migracije na BH nivou i obim poslova na infrastrukturi osjetno utiče i na implemetaciju ugovora u infrastrukturi na prostoru općine Tešanj. Rastu cijene, sve se teže ispunjavaju rokovi, a usporava i rast broja zaposlenih.

Ipak, sve ove otežavajuće okolnosti nisu nas odvojile od rada na prioritetima utvrđenim Strategijom razvoja i drugim planskim dokumentima. Imali smo rekordno ostvarenje Budžeta, završetak ili nastavak rada na nekim glavnim projektima (most na Usori, 3 školske dvorane, završetak radova na još jednoj dionici kanalizacije), ali i implementaciju zacrtanih mjera i politika u socijalnoj zaštiti obrazovanju, poljoprivredi, sportu itd. Evidentno je da općine predstavljaju najstabilniji nivo vlasti, politički i institucionalno i da si ne mogu dopustiti zastoј, čekanje na druge i sl.

Izveštaj sadrži dio informacija, a mnogo detaljnije informacije o ostvarenju općinske politike i stanju u određenim oblastima rada i djelovanja sadržane su u brojnim informacijama i izvještajima koje tokom godine razmatra Općinsko vijeće (*Izveštaj o realizaciji Plana kapitalnih ulaganja, Budžet i Izveštaji o izvršenju Budžeta, Informacija o realizaciji Strategije općine Tešanj, Informacija/izvještaji o poslovanju javnih ustanova i preduzeća na području općine Tešanj, Informacija o stanju poljoprivrede i realizaciji općinskog poticaja na području općine Tešanj, Informacija o radu mjesnih zajednica, Informacija o radu nevladinih organizacija na općini Tešanj, Informacija o organizovanju i funkcioniranju sistema zaštite i spašavanja i zaštite od požara, Informacija o ostvarivanju prava pripadnika boračkih populacija, Informacija o održavanju lokalnih puteva na području općine Tešanj, Informacija o socijalnoj zaštiti na području općine Tešanj - položaj građana u socijalnoj potrebi i položaj djece i omladine sa posebnim potrebama...*).

Na kraju, nema definisane forme za ovakve izvještaje, kao što ni sama forma ne znači mnogo ukoliko neko želi ili ne želi iz iste iščitati ili prepoznati suštinu.

LOKALNA UPRAVA

Poslovi u Općini Tešanj obavljaju se u 5 službi od strane 85 uposlenika (prosječno) uposlenih na neodređeno vrijeme, 2 uposlenika na određeno vrijeme (do 2 godine). Radni odnos je prestao kod 4 uposlenika, a tokom godine završen je prijem 11 novih uposlenika (jedan dio postupaka koji su pokrenuti u 2018. godini). Tokom prethodne godine završen je i jedan postupak otpusta kao rezultat disciplinske mjere. Kraj godine smo dočekali sa provođenjem konkursnih i oglasnih procedura za nekoliko radnih mjesta. Tokom godine imali smo smrt jednog vatrogasca i veće zdravstvene probleme kod drugog.

Drugostepeni postupci po izjavljenim žalbama koje provodi Odbor za žalbe FBiH traju izvan predviđenih rokova, odnosno 3 puta duže od zakonskih rokova, na što smo pisali urgenicije, ali bez većeg uspjeha. Na primjer otkazni rok za sanitarnog inspektora je 15 dana, a prijem jednog službenika (uz rokove i žalbe traje 6 mjeseci do godinu dana). U zadnjih 6 godina provedeno je 28 oglasa i konkursa sa većim brojem žalbi. Nijedan postupak nije osporen, ali jesu predugo trajali.

a) Neposredno rukovođenje lokalnom upravom

Realizirano je ukupno 31 sastanka rukovodstva općine na kojima je razmatrano 67 tačaka dnevnog reda. Općinski načelnik je prema nadležnosti aktivni sudionik administrativnih procesa u općini i odgovoran za izvršenje Budžeta. Time se u stvari veliki dio vremena posveti redovnim poslovima rukovođenja općinskim organom uprave.

b) Servisiranje rada Općinskog vijeća.

Općinski načelnik i uprava servisirali su Općinsko vijeće pripremivši materijale za 102 tačke dnevnog reda (109 u 2018., 110 u 2017.) 48 tačaka ranije planirano i 54 dodatne, pripremivši 51 (72) odluku i nacrt, 39 (40) izvještaja i informacija, 19 (3) rješenja. Odgovoreno je ukupno na 91 (108) akt – 43 (47) vijećnička pitanja, 41 (32) inicijativu i 7 (29) amandmana.

c) Administrativne i upravne usluge lokalne uprave

Općina Tešanj pruža veliki broj usluga kroz servisne centre (tzv. šalter sale), koji su organizovani u Tešnju, Jelahu i Tešanjci. U 2019. godini urađeno je 77.229 usluga ovjere, od kojih je naplaćeno 32.582 usluga u vrijednosti od 95.002,00 KM. Oslobođeno od plaćanja administrativnih taksi su 44.647 ovjere (studenti, učenici, boračke populacije, socijalni slučajevi i sl.) u vrijednosti 44.647 KM.

Iz matičnih evidencija izdato je 19.200 izvoda i uvjerenja iz matičnih knjiga (2018. godine 18846), a od plaćanja administrativnih taksi oslobođeno je 3755 korisnika.

Rad organa uprave podrazumijeva rješavanje upravnih i neupravnih postupaka, a broj predmeta je prikazan u tabeli:

Broj predmeta u obradi		Broj riješenih predmeta	
2018	2019	2018	2019
17904	20.723	16946	16.383

Broj predmeta obuhvata knjige upisnika i djelovodnika od čega je 49% predmeta upravnog rješavanja (upisnik), a 51% predmeta kroz nepravno rješavanje (djelovodnik).

d) *Sistemi upravljanja kvalitetom i okolišom*

U 2019. godini na osnovu Godišnjeg plana održavanja internih audita uspješno su realizovana dva interna audita na integrisanom sistemu upravljanja kvalitetom i okolišem i to:

- prvi interni audit održan je 20.06.2019. godine i 24.06.2019. godine
- drugi interni audit održan je 22.11.2019. godine

Nadzorni auditi po normi ISO 9001-2015 i normi ISO 14001-2015 za 2019. godinu planirani su i usaglašeni za 15. i 16. januar 2020.godine. Nadzorni audit je planiran da bude proveden od jednog ovlaštenog auditora, angažovanog od strane Bureau Veritas Certification Holding SAS-UK Branch.

Rezultat audita (internih i eksternih) redovito potvrđuju da je sistem upravljanja usklađen sa svim zahtjevima norme ISO 9001-2015, dobro je održavan i kontinuirano se poboljšava, vidno je opredjeljenje uprave ka stalnom poboljšanju procesa sistema, operativno planiranje i nadzor realizacije, uključenost i motiviranost zaposlenih za stalna poboljšanja i unapređenje razvoja lokalne zajednice.

Kada je u pitanju usklađenost sistema po normi ISO 14001-2015 osnovno poboljšanje se ogleda u kontinuiranom smanjenju uticaja na okoliš. Završna faza na izgradnji primarnog voda kanalizacije koja je okončana u 2019.godini i koja je dovela do funkcionalnog rješenja ovog projekta je jedan od projekata koji ima značajan uticaj na okoliš. Početak projekta odvojenog prikupljanja otpada na području općine Tešanj je jedan od najznačajnijih projekata u dijelu upravljanja okolišem, kao i prikupljanje elektroničkog otpada što sve zajedno utiče na očuvanje okoliša. Auditi potvrđuju da je sistem upravljanja usklađen sa svim zahtjevima norme ISO 14001-2015, da je organizacija uspostavila i održava vlastiti sistem upravljanja u skladu sa zahtjevima standarda, te da pokazuje sposobnost sistema u postizanju organizacijske politike i ciljeva.

e) *Edukacija i razvoj ljudskih resursa*

Ljudski resursi su veoma važan faktor za razvoj organizacije, pa tako i Općine Tešanj. Za unapređenje znanja i razvoj vještina organizuju se stručne obuke uposlenika, te prezentacije kako bi se određene informacije približile uposlenicima. U skladu sa planom obuke uposlenika održano je 16 internih edukacija, od čeka su 2 cjelodnevne radionice iz oblasti komunikacije i javnih nabavki. Pored internih obuka, uposlenici su učestvovali na 35 različitih eksternih obuka koje se odnose na rad u Općini Tešanj, te posebno organizirane obuke i edukacije kroz projekat MEG, Agencije za državnu službu i neke druge. U novembru je ugovoren ciklus edukacija za zaposlene.

f) *Modeli, alati i projekti unapređenja****Harmonizacija podataka katastra i zemljišne knjige (gruntovnice)***

Općina Tešanj intenzivno radi u projektu Harmonizacije sa Federalnom geodetskom upravom i Općinskim sudom Tešanj (ZK ured). Od 29 KO proces je pokrenut u 10 KO. Što se tiče posla od Općine je urađeno 100% planiranih aktivnosti, kod Suda i stranaka je taj procent na cca 70%.

Sa završetkom započetog posla kod Suda vlasničke evidencije na prostoru općine će biti sređene u 40% ukupnih parcela.

U međuvremenu općina Tešanj je kandidovala novih 5 KO i dalji radovi na ovim KO biće prilagođen tempu rada Suda i ZK ureda, jer su nadležni i rade uporedo i za općine Doboj Jug i Usoru. Naša očekivanja su veći intenzitet ovog projekta za općinu Tešanj u drugoj polovini 2020. i u 2021. godini.

E-uprava

E –ovjera

Nakon analize postupka koji se odnosi na rad šaltera za ovjeru dokumenata, ukazala se potreba za brže pružanje usluge, jedinstven način rada i izvještavanja. Općina Tešanj je izvršila nabavku programa i opreme za vršenje poslova ovjere, usvojeni su potrebi dokumenti i zvanično počelo sa primjenom e-ovjere od 7.2.2019. godine. Rezultati uvođenja je brža usluga prema građanima, jedinstven način rada i svih oblika izvještaja. Ostvareni su i značajni finansijski efekti.

E - Komunalne naknade

Općina Tešanj je u 2019. godini u saradnji sa firmom Itineris radila na razvijanju aplikacije za evidenciju i obradu rješenja Komunalne naknade. U softver su uneseni podaci o svim obveznicima komunalne naknade iz četiri zone (ime i prezime, adresa, nekretnine za koje je obveznik, adresa, površina i tip nekretnine, te iznos). Do sada u BiH nije bilo ovakvih gotovih softverskih rješenja. Ovo je prvo takvo implementirano rješenje u BiH i koristi ga trenutno samo 4-5 općina. Softverska kuća Itineris nakon implementacije u Tešnju ponudila je rješenje i drugim općinama.

eKomunalne naknade je prva aplikacija koja je uvezana sa centralnim sistemom za obradu predmeta (Document Management System), a u toku je dalji razvoj i uvezivanje sa softverom za finansijsko poslovanje (fiNova) čime će se maksimalno automatizirati rad aplikacije. Do sada nijedna općina nije povezala ove tri elektronske baze. Ostvarene tehničke pretpostavke za unos i obradu obveznika komunalne naknade iz V zone (zaključak OV) terenski dio rada je završen.

E inspekcija

Na inicijativu Općine Tešanj u 2019. godini je počelo razvijanje aplikacije e-Inspektor namijenjenu za rad općinskih inspektora. Izrada softvera je u završnoj fazi, obavljena je nabavka mobilnih printera i laptopa, a u toku je uvezivanje sa centralnim sistemom za obradu predmeta (Document Management System). Primarni cilj aplikacije je ubrzati rad inspektora na terenu: omogućiti im pristup bazi podataka postojećih inspekcija, brži unos podataka i obradu zapisnika i rješenja. Također, ovim softverskim rješenjem se ostvaruje transparentniji rad inspektora, bolji izvještaji itd. Probna primjena je u toku i očekujemo punu implementaciju krajem prvog kvartala 2020.

Rutmap i adresni registar

Tokom 2019. godine implementiran je softver za interaktivni prikaz Općine Tešanj na mapi. Predviđen je kao baza za objekte od turističkog i drugog značaja <https://www.rutmap.com/tesanj> Prvi historijski Street view (virtuelna šetnja) u Tešnju. Pored Tešnja, u BiH Street view funkcionalnost imaju samo još Sarajevo i Gračanica. Nije još promoviran, jer je plan da se to uradi uz promociju nove web stranice. Moguće probno na računarima pogledati na:

<https://www.rutmap.com/sv:W4aWc4jQU9RZasFbPFR29g:17.987433333333332:44.613656666666664#18/44.613657/17.987433>

Općina Tešanj je prva u BiH koja je u potpunosti implementirala model adresnog registra i sistemski sa novim pristupom označila sve objekte. Izrađena je službena elektronska baza koja se uveliko koristi, a postavljen je novi cilj da to bude dostupno i javnosti. Ovo je ostvareno u okviru aplikacije Rutmap koja je direktno povezana sa službenom općinskom bazom adresnog registra. Ni ova usluga nije još promovirana, nego je planirana da bude predstavljena uz novu web stranicu kao novi servis. Link za probni uvid u servis:

<https://tesanjad.rutmap.com/ulica-trg-alije-izetbegovica#18.28/44.6126/17.986259/0/27>

Razvoj optičke mreže

U 2019. godini općina Tešanj je izgradila dodatnih 6 km optičke mreže (6 vlakana). Ukupno raspolažemo sa 2 optička vlakna od Tešanjke do Jelaha (4,3 km), 6 vlakana od Jelaha do zgrade civilne zaštite (6 km), te 2 optička vlakna od zgrade civilne zaštite do zgrade Općine Tešanj (1 km). Ranije smo pod zakupom ili na drugi način koristili dio optičke mreže, sada imamo vlastitu mrežu. Obavljena je nabavka dodatnih 4 km optičkog kabla (24 vlakna) koji je trenutno u fazi postavljanja od zgrade Civilne zaštite do Sportsko-rekreacionog centra. Napravljene su sve pretpostavke za povezivanje vlastitom mrežom Centra za socijalni rad, Komunalnog preduzeća, Srednjoškolskog centra...

E citizen

U proteklom periodu, Općina Tešanj je bila jedna od četiri pilot općine u razvijanju UNDP-ovog projekta eCitizen. Ovaj softver omogućava bolju komunikaciju građana sa načelnikom, vijećem i općinskom upravom, a podrazumijeva nekoliko modula:

- **Prijava kvara** (sistem sličan postojećem Call centru),
- **Općinsko vijeće** (na ovom mjestu će biti objavljene sve sjednice općinskog vijeća, tačke, dokumenti i drugi bitni sadržaji),
- **Pitajte vijećnika** (direktna komunikacija građana sa vijećnicima, izvještaj o broju ukupnih pitanja vijećnicima i broju pitanja sa odgovorom će biti javno dostupan)
- **Javne rasprave**

Cilj projekta je uvesti jednu jedinstvenu aplikaciju koju bi koristile sve općine u BiH kao standard za komunikaciju za građanima. Kompletan proizvod će biti predstavljen na novu web stranicu.

Nova web stranica općine Tešanj

Napravljen je projektni zadatak i usvojen za izradu nove web stranice. Glavna namjera je bilo uključivanje/implementacija novih usluga, ali je planiran i novi korisnički dizajn. Ugovorene su usluge i trenutno je u fazi izrade. Zvanično predstavljanje očekujemo tokom prvog kvartala 2020. godine sa novim servisima/uslugama: **eCitizen**, **Strategija za građane** (prilagođavanje softvera za uvid građanima), **Rutmap** (sa **Streetview**), **Adresni registar**, **E obrasci**, **Poslovne zone**, **meteo podaci** sa postavljenih stanica u Tešnju, **mapa aktuelnih općinskih projekata**, kao i **dnevni izvještaji** civilne zaštite za posljednja 24 sata (meteo uslovi, podaci o funkcionisanju saobraćaja, elektro i vodo snabdijevanju, radu hitne pomoći, policije i bolnice).

Drugi projekti

Registar poslovnih zona

Zajedno sa Federalnim ministarstvom obrta, razvoja i poduzetništva implementiran je registar poslovnih zona. Podaci su javno dostupni putem zajedničkog registra:

<https://zonefbih.gov.ba/en/search-the-business-zones/>

Jedinstveni registar socijalnih davanja

Projekat uspostave jedne elektronske baze se provodi sa nivoa Federacije BiH, a omogućava jedinstven prikaz svih socijalnih davanja po osobama, različitim pravima i nivoima vlasti. Ovo je do sada bio veliki problem sa socijalnu zaštitu i organizovan pristup će svakako olakšati rad i omogućiti pravilne informacije i više transparentnosti u području socijalne zaštite. Uključeni smo u ovaj projekat i već imamo efekte uspostavljenog registra.

Sistem video nadzora

Ranije je pokrenuta izrada projektnog zadatka i rada na izradi tehničkog rješenja za sistem video nadzora za općinu Tešanj. Ovim projektom predviđeno je postavljanje videonadzora na više lokacija, uključujući kamere za opći pregled saobraćaja na raskrsnicama i javnim površinama, kamere za identifikaciju registracijskih tablica i panoramske kamere za web, nabavka adekvatnog softvera i centralne upravljačke stanice.

U 2019. godini je kompletirana projektna dokumentacija i obezbijeđeno kompletno finansiranje. Ukupna vrijednost projekta je cca 240.000 KM, za šta je u Budžetu planirano 140.000 KM, a ostatak sredstava (100.000 KM) je usaglašen kao donacija nekoliko poslovnih subjekata. Sporazum sa donatorima je potpisan u decembru 2019. godine. Namjera je da uskoro pokrenemo postupak javne nabavke i cio sistem implementiramo tokom 2020. godine. Projekat predviđa i nekoliko panoramskih kamera kojima će upravljati općina i koje će biti javno dostupne.

REALIZACIJA STRATEŠKIH DOKUMENATA I RAZVOJNIH PROJEKATA

U decembru 2017. godine usvojena je nova Strategija razvoja općine Tešanj, rađena na novim zakonskim rješenjima u skladu sa MIPRO metodologijom i podrškom UNDP-a. Osim načina izrade ovog dokumenta, mijenjana je i metodologija realizacije. Nova Strategija razvoja je na ambiciozan način definisala prioritete za planski period. Implementacija Strategije ima softversku podršku i redovno se ažuriraju prateći podaci u radu na Strategiji razvoja. Svaki od projekata/ciljeva je imao svog menadžera, koji je periodično izvještavao o realizaciji planiranog.

Vijeće će više o realizaciji strateških dokumenata i stepenu postignuća na dostizanju ciljeva biti informisano kroz **Izveštaj** o realizaciji Strategije općine Tešanj u 2019. godini. Osim toga u razvojnom smislu realiziran je plan kapitalnih ulaganja za 2019. godinu, sa unaprijeđenom metodologijom planiranja.

BUDŽET OPĆINE TEŠANJ

Realizacija općinskih politika, Strategije i odluka se odvija i kroz blagovremeno pripremljeni i usvojeni Budžet općine Tešanj, te kroz njegovu dosljednu i stabilnu realizaciju. Svi budžetski dokumenti (nacrt, prijedlog, izmjene i dopune, kvartalni, polugodišnji i godišnji izvještaji) su blagovremeno pripremljeni, podnešeni i usvojeni. Izrađeni su, a potom na Općinskom vijeću jednoglasno usvojeni **budžet sa 2 izmjene i dopune, odluka sa jednom izmjenom i dopunom i 4 izvještaja**. Budžet, DOB i svi izvještaji o izvršenju budžeta su objavljeni i nalaze se na web stranici Općine.

Kroz budžet su realizovane ili započete aktivnosti od blizu 16 miliona KM, a njegovom realizacijom obezbijeđeno je funkcionisanje organa uprave, zadovoljenje općedruštvenih potreba, zadovoljenje socijalnih potreba, sufinansiranje javnih ustanova, nevladinog sektora, poticaja privredi, studentskih stipendija, pomoć u sanacija šteta od poplava, te respektabilna kapitalna ulaganja. Grantovi po raznim osnovama, kojim se sredstva vraćaju u privredu i društvene tokove, su dostigla nivo od **5,3 miliona KM**.

Izvorni prihodi Općine su porasli za **9,3%**, a da pri tome nije vršeno uvećanje poreskih stopa i stopa općinskih taksi i naknada. Putem općinskih blagajni izvršene su **24.839 naplate, uz naplaćenih 937.132,70 KM**.

Općina Tešanj je u 2019. godini provela **428 postupaka** javnih nabavki u otvorenim, konkurentskim, direktnim i pregovaračkim postupcima vrijednosti cca. 5,8 miliona KM (bez PDV-a), pri čemu se najviše nabavki odnosi na radove (133 u vrijednost cca. 4,7 miliona KM), u skladu sa Zakonom o javnim nabavkama BiH („Službeni glasnik BiH“, broj:39/14). **E-aukcija** je provedena u oko 70% slučajeva. Plan javne nabavke, sa svim izmjenama i dopunama, te drugi bitni elementi postupaka objavljuvani su na web stranici općine.

Treba istaknuti da je zadržana stabilnost finansijskog poslovanja uprkos potrebi da ispravljamo greške Federalnog ministarstva finansija u rasporedu sredstava od PDV-a (600.000 KM), ali i kasnijim troškovima po pitanju prirodne nesreće (cca 600.000 KM) i relativno sporij reakciji viših nivoa vlasti.

EKONOMIJA I POSLOVNO OKRUŽENJE

Trend ekonomskog rasta na području općina Tešanj je nastavljen. Naime, trend rasta broja registriranih privrednih subjekata evidentan je od 2010. godine kada je bilo registrirano ukupno 1975 privrednih subjekata i to: 701 pravno lice, 327 dijelova pravnih lica i 947 obrta, dok prema posljednjim objavljenim zvaničnim podacima iz 2019. godine taj broj iznosi 2.522 privredni subjekt i to: 985 pravnih lica, 488 dijelova pravnih lica i 1.049 obrta.

U strukturi pravnih lica dominira oblast trgovine na veliko i malo sa 26 % učešća u ukupnom broju pravnih lica, sa 19 % učestvuje prerađivačka industrija i u odnosu na prošlu godinu bilježi blagi rast, 14 % čine ostale uslužne djelatnosti itd. U strukturi dijelova pravnih lica registriranih na području općine dominira oblast trgovine koja čini 50 % ukupnog broja dijelova pravnih lica, ostale uslužne djelatnosti čine 8 % kao i finansijske usluge i osiguranje, 8 % čine privredni subjekti u području djelatnosti zabave i umjetnosti, a prerađivačka industrija čini 6 %. U strukturi obrta dominira također oblast trgovine sa 28 %, prerađivačka industrija čini 18 %, oblast prijevoza čini 12 %, ugostiteljstvo 9 % kao i oblast poljoprivrede, 8 % čine ostale uslužne djelatnosti. Može se konstatovati da u strukturi privrednih subjekata nema većih oscilacija niti značajnih promjena u odnosu na ranije godine.

Kao i kod broja privrednih subjekata pozitivan trend zaposlenosti na području Općine Tešanj prisutan je od 2010. godine. Prema zvaničnim podacima Federalnog zavoda za statistiku, zaposlenost se kretala u rasponu od 8.111 koliko je iznosila 2010. godine do 11.852 uposlena, koliko je iznosila u 2017. godini. Unazad dvije godine Općina obezbjeđuje mjesečno ažurne podatke od Federalne poreske uprave.

Prema podacima Federalne poreske uprave na kraju novembra 2019. godine na području Općine bilo je zaposleno 13.892 uposlenika, bez obzira na prebivalište zaposlenika, dok je broj zaposlenih osiguranika koji imaju prebivalište na području općine Tešanj u istom mjesecu 13.081 uposlenik. Ovaj podatak pokazuje da svaki dan na područje općine Tešanj na rad dolazi 811 uposlenika koji imaju prebivalište van Općine. Broj zaposlenih povećan je u odnosu na 2010. godinu za 5.781 novi uposlenik.

Uporedo sa rastom zaposlenosti, smanjivao se broj lica na evidenciji Zavoda za zapošljavanje. Broj nezaposlenih sa 7.788 evidentiranih u 2010. godini manji je za 42 % i na kraju 2019. godine iznosi 5.471 nezaposleno lica ili 4 % manje nego u istom periodu prošle godine. U strukturi nezaposlenih žensku radnu snagu čini 2.936 nezaposlenih ili 54 % ukupno prijavljenih na evidenciji nezaposlenih. Od ukupnog broja nezaposlenih 250 ili 5 % čine lica sa visokom i višom strunom spremom, 1.082 ili 20 % čine nezaposleni srednje stručne spreme, 2.262 ili 41 % čine kvalifikovana nezaposlena lica dok 1.858 ili 34 % čine nezaposlena lica niže stručne spreme.

Općina Tešanj već duže vrijeme čini napore na poboljšanju uslova za kojim se stvaraju pretpostavke za lakše i bolje poslovanje privrednih subjekata na području naše Općine, pa je to činila i u toku protekle godine. Općenito, poboljšanje ukupnog poslovnog okruženja potpomaže napredak lokalne ekonomije. U tom cilju, odnosno u cilju još boljeg razumijevanja potreba privrednih subjekata i unapređenja javno-privatnog dijaloga Općina ima uspostavljen Savjet za lokalni ekonomski razvoj – SLER. U toku 2019. godine na SLER-u su razmatrana pitanja: plana upisa učenika u srednje škole, procesa recertifikacije BFC-a, sajma obrazovanja i zapošljavanja, komunalne naknade, ulaganja Općine u poslovnu infrastrukturu i realizacija strategije općine Tešanj.

Poslovna infrastruktura

Nastavljen je kontinuitet ulaganja u poslovnu infrastrukturu, uglavnom izgradnju i uređenje poslovnih zona. Nakon 2018. godine u kojoj su završeni glavni radovi na izgradnji poslovne zone Glinište, nastavili smo pripremati i kandidovati projekte na javne pozive

- a) U PZ Bukva-Vila u toku 2019. g. realiziran je projekat "Izgradnja primarnih i intrazonskih saobraćajnica u Poslovnoj zoni Bukva". Ugovor je realiziran u sklopu Grant sheme "Unapređenje poduzetničkih zona u Federaciji BiH za 2018. godinu" kojim je Općina obezbjedila grant sredstva u iznosu od 237.097,79 KM. Ukupna vrijednost projekta je 339.097,79 KM. Razlika sredstava u iznosu od 102.000,00 KM finansirana je iz Budžeta Općine. Projekat je realizovan, izvještaj podnesen i prihvaćen od Federalnog ministarstva obrta, razvoja i poduzetništva.
- b) Tokom 2019. godine u cilju nastavka izgradnje i opremanja infrastrukture u poslovnim zonama, Općina Tešanj je aplicirala za dodjelu grant sredstava Ministarstvu za privredu ZDK i Federalnom ministarstvu razvoja, poduzetništva i obrta. Za realizaciju projekta vrijednog 211.169,16 KM "Sanacija i proširenje komunalne infrastrukture, saobraćajnica I i III, Poslovne zone Glinište-Tešanj", od strane Ministarstva za privredu Općini Tešanj su odobrena sredstva u iznosu od 150.000,00 KM, a razlika sredstava je finansirana iz Budžeta Općine. Projekat je značajnim dijelom realizovan već u 2019. godini (asfaltna presvlaka), a preostalo je postavljanje rasvjetnih stubova i instalacija rasvjete.
- c) Osim toga od strane Federalnog ministarstva razvoja, za aplicirani Projekat izgradnje komunalne infrastrukture u PZ Bukva-Vila, vrijednosti 275.103,32 KM, Općini Tešanj su odobrena grant sredstva u iznosu od 180.512,82 KM, dok se razlika finansira iz Budžeta Općine Tešanj. Sredstva su odobrena u drugoj polovini 2019. godine i proces javne nabavke je u završnoj fazi. Implementacija se očekuje u prvoj polovini 2020. godine.

BFC SEE – BUSSINES FRIENDLY CERTIFIKATE

Certifikacija općina sa povoljnim poslovnim okruženjem (BFC) predstavlja najbolje regionalne prakse u radu lokalne samouprave, posebno za poboljšanje i usklađivanje uslova za poslovanje, podsticanje ekonomske saradnje i privlačenje novih investicija. Općina Tešanj je 2015. godine ispunila uslove da bude certificirana općina sa povoljnim poslovnim okruženjem prema zahtjevima BFC standarda, unapređujući kvalitet usluga i informacija koje jedinice lokalne samouprave pružaju privrednicima i stranim investitorima. Ocijenjeni smo sa 94,6 od 100 mogućih bodova, što je tada bila najveća ocjena koju je dobila jedna općina u procesu sertifikacije u regionu (Hrvatska, Srbija, Makedonija, Crna Gora i BiH). I danas, 4 godine kasnije to je rekord za sve općine koje prolaze ovaj proces. U 2018-toj godini smo ušli u proces recertifikacije kako bi se utvrdila održivost BFC SEE standard, te dostavili dokaze o ispunjenosti kriterija svrstanih u 10 oblasti sa 67 podkriterija.

U okviru Sajma privrede Tešanj 2019, Općini Tešanj uručen je BFC certifikat, čime je potvrđena uspješnost u kreiranju povoljnog poslovnog ambijenta. Općina Tešanj ocijenjena je sa 94,67 od 100 mogućih bodova, što je jedan od najboljih rezultata u regionu jugoistočne Evrope. Time je potvrđeno da Općina Tešanj ostaje nosilac BFC certifikata i da je prijateljski posvećena investitorima i unapređenju dobrog poslovnog ambijenta, da potiče ekonomsko jačanje i nove investicije, odnosno poduzetnička inicijativa, uspješno poslovanje i povećanje zaposlenosti. Na taj način se općina Tešanj pozicionira kao jedna od najnaprednijih u regionu i kvalificira za podršku države i donatora, te aktivniju promociju na regionalnom i međunarodnom nivou.

EKOLOGIJA I OKOLIŠ

Izgradnja novog sistema kanalizacije

Tokom 2019. godine najbitnije stvari u realizaciji projekta WATSAN dešavala su se oko završetka izgradnje vrlo zahtjevnih dionica na primarnim kolektorima BI, BV i AII.

Dio kolektora BI se gradio na potezu od Ljetinića preko Žabljaka, Tešanjke, prelaz ispod korita rijeke Tešanjke, izgradnja Pumpne stanice u Tešanjci (u blizini Alibegovačkog mosta), prelaz ispod magistralne ceste, te spajanje sa već ranije izgrađenim dijelom kolektora prema Kraševu.

Kolektor BV se nastavio od Kosovčić BP, preko Žabljaka, putnim pojasom lijeve strane lokalne saobraćajnice do Centra Tešanjke, prelaza ispod magistralne ceste, te utoka u kolektor BI.

Kolektor AII se gradio od Palučka u Novim Miljanovcima, lokalnom cestom, lijevom stranom regionalnog puta R 474, prelaza ispod rijeke Usore, preko pijačnog prostora, izgradnje Pumpne stanice na Rastokama, te izgradnja cjevovoda od PS do utoka u kolektor BI u centru Jelaha.

Istovremeno sa gradnjom ovog kolektora izgrađen je i kolektor za odvodnju površinskih voda u dužini od cca 770 m, od skretanja prema Miljanovcima do rijeke Usora ispod novog mosta. Izgradnja ovog kolektora je u funkciji zaštite vodoizvorišta Jelah.

Izgradnjom ovih kolektora zaokružena je predviđena i planirana mreža primarnih kolektora iz Faze 1 projekta WATSAN. Pored stvaranje osnove za daljni nastavak na projektu i izgradnje sekundarne i tercijarne mreže kao i budućeg Postrojenja za preradu otpadnih voda, izgradnja ovih dionica je doprinijela ili će doprinijeti cjelovitoj zaštiti izvorišta Jelah, daljnim poboljšavanjem uslova za privredni razvoj kao i stvaranjem osnovanih pretpostavki za proširenje i sigurniji promet na dionici puta od Novog Sela do Tešanjke. Ovi radovi kao i završena dionica kolektora BIII, kroz Glinište u 2018. godini, koštali su cca 4,2 mil. KM. Struktura finansiranja je navedena u Izvještaju za 2018. godinu.

Nastavljeno projektovanje sekundarne i tercijarne mreže. Trenutno završeno oko 200 km. Tokom 2019. godine izvršena je eksproprijacija značajnih površina za gradnju buduće fabrike za preradu otpadnih voda. Ostvareni su kontakti (zajedno sa Agencijom za razvoj) radi provjere izvora finansiranja kod Svjetske banke, Evropske banke za obnovu i razvoj, SIDA i na drugim adresama.

Upravljanje otpadom

Nastavljena je aktivnost na izradi dokumentacije za zatvaranje i sanaciju deponije. Urađen je Glavni projekat sanacije i zatvaranja deponije otpada. Izvršena je revizija Glavnog projekta. U toku je procedura za izdavanje građevinske dozvole. Budućnost deponije, njene uređenosti, te pripreme za zatvaranje i promjenu koncepta prikupljanja i upravljanja otpadom (koje je u vezi sa izgradnjom regionalne deponije) jedno je od strateških pitanja za općinu Tešanj, na kojem se trenutno radi.

Izrađen je plan upravljanja otpadom, koji će biti ponuđen Općinskom vijeću na usvajanje.

U obuhvatu prikupljanja otpada su sve mjesne zajednice sa 8227 potpisanih ugovora (2012. godine je bilo 5403 ugovora, kraj 2016. godine 6352, a na kraju 2018. godine 7672). Značajan rast obuhvata broja korisnika/domaćinstava je postignut aktivnošću općine i komunalnog preduzeća, uz podršku Federalnog ministarstva turizma i okoliša i obezbjeđenje besplatnih kanti. Podjelom kompostera postignuto je razdvajanje biorazgradivog otpada iz kućnog otpada, a time je smanjena količina deponovanog otpada. JP "RAD" je nastavio sa praksom podjele besplatnih kanti novim korisnicima koji potpišu ugovor o odvozu otpada.

Osim odvojenog prikupljanja PET ambalaže, u toku godine se radilo na organizovanoj aktivnosti prikupljanja elektronskog i elektroničkog otpada, a pripremaju se i drugi oblici selektivnog prikupljanja otpada. Godišnje se organizuju dvije akcije prikupljanja kabastog otpada i odlaganje na deponiju Bukva.

Zrak

Tokom 2019. godine nastavljeno je periodično mjerenje zagađenosti zraka na području općine Tešanj. Mjerenje je izvršeno na području MZ Miljanovci-Lončari (Lončari) u periodu od 18.02. do 18.03.2019. godine sa ciljem utvrđivanja uticaja oslobađajućih polutanata iz termoelektrane Stanari. U ovom mjerenju nisu utvrđena prekoračenja granične vrijednosti niti jednog polutanta. Ovo je bilo 9. mjerenje na području općine Tešanj, a aktivnost se provodi od 2011. godine i provodi je Metalurški institut "Kemal Kapetanović" Zenica u saradnji sa Općinom Tešanj. U 2019. godini Općina Tešanj se obratila Ministarstvu za prostorno uređenje, promet i komunikacije i zaštitu okoline ZDK sa ciljem nabavke automatske stanice za mjerenje zagađenosti zraka čime bi se uspostavilo stalno mjerenje na području općine Tešanj. Izraženo je opredjeljenje za nabavkom iste u 2020. godini.

Otpadne vode

U skladu sa usaglašenim aktivnostima sa komunalnim preduzećem JP „RAD“, tokom 2019. godine izvršeno je jedno utvrđivanje kvalitativno-kvantitativnih karakteristika otpadnih voda na gradskim kolektorima u slivu rijeke Tešanjke. Ispitivanje je izvršeno u periodu od 20.02. do 25.02.2019. godine na kolektorima Kotlanice, kružni tok Tešanj i Krndija, industrijske otpadne vode Bukva, primarni vod otpadnih voda Novo Selo i otpadne vode deponija Bukva. Tokom ispitivanja utvrđena su prekoračenja amonijaknog azota, ukupnog azota, HPK-Cr (hemijska potrošnja kisika), BPK5 (biohemijska potrošnja kisika), ukupne suspendovane materije, ukupni fosfor (P), taložive materije, deterdženti, sulfati, hloridi.

Civilna zaštita (prevencija i sanacija)

U 2019. godini kontinuirano je vršeno praćenje stanja klizišta. Zabilježeno je aktiviranje 42 nova klizišta, pa se tako u Katastru klizišta vodi 338 klizišta. Šest je sanirano u skladu sa hitnim mjerama (16.681 KM), a 17 klizišta i 7 odrona je urađeno u skladu sa preventivnim mjerama (105.151,49 KM). Sredstva za sanaciju klizišta osigurana su u Budžetu u ukupnom realizovanom iznosu od 121.832,49 KM.

Provođenje preventivnih mjera zaštite od poplava tokom 2019. godine realizovano je u skladu sa Planom mjera zaštite od poplava i u skladu sa nastalim štetama usljed poplava. Aktivnosti su vođene u MZ Karadaglije, MZ Kalošević, MZ Rosulje, MZ Bobare-Drinčići-Blaževci, MZ Dobropolje-Mekiš, MZ Mrkotić, MZ Raduša, MZ Jelah, MZ Oraš Planje, MZ Džemilić Planje, MZ Piljužići, MZ Jablanica. Provođenje mjera se odnosilo na čišćenje, produbljavanje i uređenje vodotoka, te izgradnju obaloutvrda na mjestima koja predstavljaju prijetnju dalje erozije obala i zemljišta. Očišćeno je preko 5.000 metara vodotoka i uređeno preko 300 metara obaloutvrda. Za realizaciju navedenih aktivnosti kroz preventivne mjere utrošeno je 39.611,02 KM.

2019. godina je zabilježena kao godina sa većim padavinama u kratkom periodu. To je posebno bilo izraženo u mjesecu maju i avgustu. Zbog obilnih padavina 13./14.05.2019. i 23./24.08.2019. godine, Općina Tešanj je proglasila stanje prirodne nesreće. Prouzrokovana je velika materijalna šteta na infrastrukturi, stambenim, poslovnim i drugim objektima i poljoprivredi. Ukupna utvrđena šteta u oba slučaja je iznosila 4.176.062 KM. Kao pomoć stanovništvu u sanaciji šteta od poplava Općina Tešanj je u 2019. godini isplatila 476.253 KM.

Sa Kantonalnom upravom civilne zaštite sklopljen je Sporazum o izgradnji skladišta civilne zaštite na području općine Tešanj, odnosno na lokaciji Vatrogasnog doma u Tešnju. Izgradnja ovog skladišta ima za cilj proširenje kapaciteta skladišnog prostora i dislociranje dijela opreme Kantonalne uprave civilne zaštite na područje općine. Objekat je završen, te se očekuje stavljanje u funkciju. Objekat je finansiran sredstvima Budžeta ZDK (125.000 KM) i Budžeta Općine Tešanj (60.000 KM) u ukupnom iznosu od 185.000 KM.

U 2019. godini je završen i predat korisnicima posljednji stambeni objekat koji je pretrpio totalnu štetu tokom klizišta, a kao posljedica poplave iz 2014. godine. Radi se o stambenom objektu Ramić Izudina iz Mrkotića. Izgradnja objekta je kandidovana 2017. godine kod UNDP BiH kroz projekat oporavka od poplava u BiH. Općina je u projektu učestvovala sa 5.000 KM i osigurala osnovnu infrastrukturu i dozvole gradnje.

MLADI

Mladi su imali različite oblike podrške i u 2019. godini:

Stipendije svima je aktivnost koja je nastavljena i u 2019. godini. Na Konkurs za dodjelu općinske stipendije u 2018/2019. godini bilo je ukupno 321 prijava, a nakon provedenog postupka imenovane komisije, broj zaključenih ugovora općine o stipendiranju studenata u 2019. godini je 306. Općina je pravovremeno isplatila sve stipendije. Javni poziv za akademsku 2019/2020 godinu na osnovu Odluke o finansijskoj podršci školovanju se očekuje početkom februara 2020. godine. Podržali smo predškolski odgoj novčanim podsticajima, a osnovne i srednje škole kroz podršku u materijalnom obezbjeđenju osnovnih potreba. Svim "prvačićima" 545 na početku školske godine obezbijeđen je poklon paket u školskom priboru.

Općina je finansirala sva školska takmičenja u znanju (matematika, fizika, engleski jezik, vjeronauka) i sportu (nogomet, košarka, rukomet, odbojka). Krajem nastavne godine organiziran je prijem za 107 najbolja učenika.

Uz podršku Općine Tešanj i Fondacije Mozaik iz Sarajeva neformalne grupe mladih kroz projekat Omladinske banke Tešanj realizovale su 8 projekata. Ukupna vrijednost projekata je 19.777,00 KM, od čega je Općina Tešanj učestvovala sa 7.199,00 KM. Projekti su realizovani u mjesnim zajednicama Medakovo, Tešanj, Trepče, Dobropolje-Mekiš i Miljanovci Lončari.

Tešanj je uključen u Sportske igre mladih.

Podrška mladim poduzetnicima nastavljena je u 2019. godini. Finansijski je podržana registracija 8 novih poslovnih subjekata i zaposleno 9 mladih, te je 8 korisnika pomognuto kroz nabavku nove opreme. Ukupna podrška mladim poduzetnicima je iznosila 86.400,00 KM, a sredstva su osigurali Općine Tešanj i UNDP BiH. Općina Tešanj je ovim pristupom kroz devet godina (2011-2019) direktno podržala registraciju 70 poslovnih subjekata i zapošljavanje 80 mladih ljudi, te indirektno zapošljavanje još 32 radnika, što je ukupno 112 novih radnih mjesta. Od 70 poslovnih subjekata 62 i dalje uspješno rade i posluju. Sredstva izdvojena za ovu podršku iznose oko 500.000,00 KM.

KULTURA I NASLIJEĐE

Područje kulture će biti tretirano kroz izvještaje triju javnih ustanova koje djeluju u području kulture, a kroz informaciju o radu udruženja građana i Općinsko vijeće će imati priliku da na taj način raspravlja na ovu temu. Nastavljeno je kontinuirano djelovanje, uz neke rezultate koji 2019 tu godinu čine izuzetno uspješnom u ovoj oblasti. Treba naglasiti da su u prethodnoj godini organizirane 3 općinske kulturne manifestacije kojima su obilježeni značajni datumi za općinu Tešanj (utvrđeni Statutom općine), te da je općina podupirala i druge javne i kulturne sadržaje koje su organizirala udruženja građana ili mjesne zajednice. U općinskim manifestacijama organizirano je 5 koncerata, 9 izložbi, 3 pozorišne predstave, 15 promocija, 2 tribine, 2 okrugla stola, 4 turnira... Odlukom o obilježavanju značajnih datuma za općinu Tešanj definisane su aktivnosti koje su provođene i u 2019. godini putem mjesnih zajednica, udruženja i ustanova. Treba reći da su prigodno obilježeni državni praznici, općinski značajni datumi (4. april, 9. septembar i 10. decembar) i drugi značajni datumi (godišnjice formiranja jedinica, brigada i drugih manjih jedinica i sl.) u okviru čega je vršeno uređenje nekih od lokacija (Crni Vrh, Hrastik, Vis, Bučje...), a sve u skladu sa Programom obilježavanja tekovina odbrane 1992-1995. godine. Sadržaji koji su bili otvorenog karaktera imali su značajnu posjetu.

POLJOPRIVREDA

Na području naše općine, zastupljeni su različiti vidovi poljoprivredne proizvodnje, a u stočarskoj proizvodnji i dalje je najrazvijenije govedarstvo, odnosno proizvodnja mlijeka kojom se bavi najveći broj poljoprivrednih gazdinstava. Otkup mlijeka od proizvođača sa područja naše općine vrši šest otkupljivača-prerađivača mlijeka i u 2019. godini otkupljeno je cca 7.000.000 litara sirovog mlijeka. Uz proizvodnju mlijeka u oblasti stočarske proizvodnje značajno mjesto ima i proizvodnja mesa, peradi i junećeg mesa. U oblasti biljne proizvodnje, najveće sjetvene površine su pod žitaricama, a značajne su površine i pod voćem, dok u povrtlarskoj proizvodnji najveći značaj ima proizvodnja povrća u plastenicima, te proizvodnja kornišona.

Treba istaći da općina Tešanj od 2006. godine izdvaja budžetska sredstva za razvoj poljoprivrede i daje značajnu podršku poljoprivrednoj proizvodnji, i do sada je utrošeno cca 4.000.000 KM na novčane poticaje poljoprivredi. U 2019. godini zaprimljeno je 566 zahtjeva za poticaj poljoprivrednoj proizvodnji, od toga 437 zahtjeva za animalnu i 129 zahtjeva za biljnu proizvodnju (9 zahtjeva je negativno riješeno). U oblasti animalne proizvodnje najveći broj zahtjeva je u proizvodnji mlijeka, dok u oblasti biljne proizvodnje u plasteničkoj proizvodnji. Za poticaj primarnoj poljoprivrednoj proizvodnji u 2019. godinu za 516 korisnika isplaćeno je 363.762,00 KM o čemu će vijeće kao i o stanju u poljoprivredi biti upoznato kroz Informaciju o stanju u poljoprivredi i realizaciji općinskih poticaja u 2019. godini. Pored općinskih novčanih poticaja, poljoprivrednici apliciraju na federalni i kantonalni novčani poticaj i u toku 2019. godine realizovano je 543.897,10 KM kantonalnih poticaja (za 100.000 KM više u odnosu na 2018. godinu), a podatak o iznosu ostvarenih federalnih poticaja do danas nije dostavljen od nadležnog ministarstva.

Sva fizička i pravna lica koja žele aplicirati na poticaj moraju se upisati u Registar poljoprivrednih gazdinstava i Registar clijenata, odnosno već upisani ažurirati podatke u Registru koji vodi općinska služba nadležna za poslove poljoprivrede. Do sada je u Registar upisano 2015 gazdinstava. Od marta prošle godine, a shodno Pravilniku o pčelarstvu, kojim je propisano da svi pčelari moraju biti upisani u Registar pčelara, vodi se evidencija pčelara i do sad je upisano 59 pčelara.

KOMUNALNA INFRASTRUKTURA I SAOBRAĆAJ

Saobraćajna infrastruktura

Na području općine ukupno je 536 kilometara cesta različitih kategorija. U općinskoj nadležnosti bilo je ljetno i zimsko održavanje na lokalnim i nekategorisanim cestama kao i gradskim i prigradskim ulicama. Redovno održavanje čini skup aktivnosti koje se obavljaju tokom cijele kalendarske godine, kontinuirano, uz intervencije tokom 24 sata u cilju održavanja prohodnosti tehničke ispravnosti cesta i sigurnosti odvijanja saobraćaja. U okviru redovnog ljetnog održavanja saobraćajnica obuhvaćeno je ukupno oko 275 asfaltnih i 205 makadamskih cesta. Obuhvat na zimskom održavanju je ove godine neznatno povećan (u dijelu nadležnosti mjesnih zajednica), a obuhvaćeno je oko 331 kilometara cesta i 48 kilometara trotoara.

U 2019. godini najviše se radilo na sanaciji asfaltnog i makadamskog kolovoza i trupa puta, potpornih i obložnih zidova, mostovnih konstrukcija, zaštite kosina, nasipa, usjeka i zasjeka, čišćenja drenaža, propusta i drugih objekata za odvodnju, zatim u nešto većem obimu čišćenju i ucjevljenju putnih kanala, te košenju trave i krčenju šiblja u putnom pojasu, zamjeni i popravci horizontalne i vertikalne signalizacije, čišćenju snijega sa saobraćajnih površina, sprečavanju pojave poledice posipanjem protiv-kliznim materijalom naročito na opasnim lokacijama kao što su mostovi i dionice sa velikim podužnim nagibima i dr. Vijeće je razmatralo posebnu informaciju o održavanju putne infrastrukture, a osim toga imat će na uvidu i Izvještaj o realizaciji plana kapitalnih ulaganja u 2019. godini.

Javna rasvjeta

Na području Općine imamo 92 mjerna mjesta ulične rasvjete (više za 8 mjernih mjesta u odnosu na 2018. godinu) u 24 mjesne zajednice. U 2019. godini urađeno je proširenje javne rasvjete u MZ Bobare-Drinčići-Blaževci, MZ Jablanica i Medakovo. Troškove priključka mjernih mjesta plaća Općina iz budžetskih sredstava.

MZ Medakovo je završila izgradnju javne rasvjete, ali ista još nije u potpunosti puštena u funkciju i nije ušla u sistem plaćanja utroška električne energije. Po završetku ovog projekta sve MZ-ice će biti, u većoj ili manjoj mjeri, pokrivenne javnom rasvjetom.

U posljednje vrijeme sve MZ koje rade izgradnju ili proširenje javne rasvjete uglavnom ugrađuju LED rasvjetna tijela. Ukupan broj evidentiranih svjetiljki, poslije izvršenog popisa je oko 7800 kom.

U toku godine izvršena je rekonstrukcija dijela postojeće javne rasvjete u urbanim zonama Tešnja, Jelaha i Tešanjke (u Jelahu na relacijama: most Lejle Mulalić- oba kraka prema M4, od raskrsnice u Jelahu do ALPINA-BROMY, u MZ Tešanjka kompletna zamjena starih tijela u užoj urbanoj zoni, kružni tok Tešanj do Toplane u Bukvi i od Simetrala do SŠC Tešanj) zamjenom starih rasvjetnih tijela LED rasvjetnim tijelima (Investicija od cca. 42.000,00 KM). Također je izvršena rekonstrukcija javne rasvjete u ulici Kralja Tvrtka. Investicija vrijedna cc. 39 000, 00 KM. Izvršena je zamjena ukupno 130 svjetiljki, novim LED rasvjetnim tijelima. Odlukom o javnoj rasvjeti mjesne zajednice finansiraju izgradnju i brinu o funkcionisanju javne rasvjete, a troškove potrošnje električne energije u cjelosti padaju na teret budžeta. Izgradnja i održavanje javne rasvjete u područjima obuhvaćenim regulacionim planom (obveznici plaćanja rente) u nadležnosti je ugovornog preduzeća (shodno raspoloživim sredstvima). U 2019. godini, utrošeno je ukupno 264.856 KM (na 92 mjerna mjesta) električne energije za javnu rasvjetu. Što je za 11407 KM više potrošene električne energije. U 2018. godini utrošeno je 253.448 KM ili 1249644,861 kW (na 84 mjerna mjesta). I pored relativne velikog proširenja javne rasvjete potrošnja električne energije je povećana za oko 4,3%. Razlog povećanja je i veća cijena električne energije za javnu rasvjetu u odnosu na 2018. godinu za 0,0152 KM/kW, odnosno sa 0,186 KM/kW na 0,2012 KM/kW.

Komunalna higijena i uređenje javnih površina

Program komunalne higijene najvećim dijelom se realizuje kroz godišnji Ugovor sa JP "RAD" d.d. Tešanj. Programom komunalne higijene predviđeno je redovno održavanje ulica, javnih i zelenih površina, trotoara i trgova na području Tešnja, Jelaha i Tešanjke. U vrijeme značajnijih državnih, općinskih i vjerskih praznika vrši se dekoracija urbanih naselja, sanacija i dopuna korpi za otpatke, čišćenje snijega sa trotoara i trgova, vrši se čišćenje korita rijeke Tešanjke kroz grad i sl.

Za površine koje nisu obuhvaćene Ugovorom, uređenje i održavanje se radi kroz angažman lica sa evidencije nezaposlenih Zavoda za zapošljavanje. Kroz program proljetnog i jesenskog uređenja urađeno je zasađivanje cvijeća na Programom predviđenim površinama. U 2019. godini sadnja cvijeća je ugovorena sa Cvjećarskom radnjom "Džido". Prostor Musala je uređen u saradnji sa Općom bibliotekom Tešanj.

Zalivanje i okopavanje cvijeća radi se kroz Ugovor sa JP "RAD" d.d. Tešanj, kroz angažman nezaposlenih lica sa evidencije Zavoda za zapošljavanje. Radi se i popravka parkovskih klupa, kao i sanacija postojećih.

Prikupljanje i odvoz smeća je poboljšano i trenutno imamo u obuhvatu 8227 korisnika, što je za 555 korisnika više u odnosu na 2018. godinu ili 6,7%. U 2019. godini očišćeno je ukupno oko 50 m³ smeća sa divljih deponija i sa 6 lokacija (Jelah-Potočani, Kalošević, Trepče, Roše, Ljetinić i Crni vrh).

Moramo primijetiti da je pojava oblika divljih deponija, kao smeća na istim daleko manje nego ranije. Općina Tešanj je nabavila kamere za nadzor potencijalnih lokacija na kojim se pojavljuje nelegalno odlaganje otpada.

Na području općine postavljeno je novih 6 autobuskih stajališta i sada ih ima ukupno 75, uz lokalne, regionalnu i magistralne ceste.

JAVNA PREDUZEĆA I USTANOVE

Općina je osnivač 8 javnih ustanova i 3 javna preduzeća. Općinski načelnik imao je putem nadležnih službi ili direktno saradnju sa Nadzornim i Upravnim odborima. Svaka javna ustanova i preduzeće imalo je usaglašene godišnje ciljeve rada. Javne ustanove i preduzeća su dostavljale kopije zapisnika sa **66 sjednica upravnih (JU Opća biblioteka 5, JUCSR 5, JU CKO 7, JU SRC 10, JU Muzej 14, JZU Apoteka 6, JZU Dom zdravlja 11, JZU Opća bolnica 10)** i 30 sjednica nadzornih odbora (JP Rad-12, JP Toplana-10 i JP TRA-8). O radu javnih ustanova i preduzeća Vijeće će se detaljno informisati putem informacije o radu javnih ustanova i izvještaja preduzeća. U toku 2019. godine provedena je procedura izbora Nadzornog odbora u dva javna preduzeća "Rad" i "Toplana" dd Tešanj, te izbor i imenovanje direktora u oba javna preduzeća. **U toku 2019. godine proveden je postupak imenovanja četiri upravna odbora u JU SRC i 3 JZU (Opća bolnica, Dom zdravlja i Apoteka), te izbor i imenovanje 1 direktora i 1 vd direktora (JU Muzej i JZU Dom zdravlja).**

Općinski načelnik je tokom godine direktno realizirao 3 zajednička sastanka sa svim JU i JP (11), izvršio posjetu i sastanke unutar JU i JP (15), te realizirao 23 pojedinačna sastanka sa predstavnicima JU i JP na različite teme.

O radu javnih ustanova i preduzeća Vijeće će se detaljno informisati putem informacije o radu javnih ustanova i izvještaja preduzeća.

MJESNE ZAJEDNICE

Informacija o radu mjesnih zajednica za 2019 godinu (nakon završnih računa) će sadržavati detaljniji pregled rada mjesnih zajednica. Treba naglasiti da su organi mjesnih zajednica tokom 2019. godine, pored obavljanja redovnih aktivnosti za koje su birani (pružanje usluga građanima, prepoznavanje, iniciranje, kandidovanje i praćenje realizacije kapitalnih projekata, provođenje projekata u sopstvenoj režiji, prikupljanje sredstava, itd) uložili znatne napore na realizaciji projekata u vlastitoj režiji, a koji se prvenstveno odnose na prikupljanje sredstava za sufinansiranje projekata sa Plana kapitalnih projekata i realizaciju projekata javne rasvjete (Karadaglije, Jablanica-Čagličići, Medakovo, Bukva, Trepče....), kao i doprinos realizaciji važnih projekata koje su zajednički vodili Općina Tešanj i mjesne zajednice, npr. asfaltiranje puteva, učešće u gradnji vodovoda, adaptacija objekata i td. (Miljanovci-Lončari, Novi Miljanovci, Dobropolje Mekiš, Bukva, Raduša, Karadaglije, Mrkotić, Krašev, Trepče, Šije, Tešanj...)

MZ su radile u okviru svojih ovlaštenja, **te održale 189 sjednicu savjeta MZ** ili u prosjeku 7,24 sjednica Savjeta po MZ i **31 sjednica skupštine** ili u prosjeku 1,24 sjednice po MZ-ci, sa **ukupno donesenih 1793 odluka i zaključaka (1150 odluka i 643 zaključaka)** koji su redovno dostavljani općini na uvid. **Ukupno 515 članova organa MZ-aktivista** bili su inicijatori i podrška brojnih aktivnosti. Ako dodamo aktiviste koji su uključeni u aktivnosti kroz građevinske odbore za realizaciju projekata, organizacione odbore i radne timove za pripreme i organizaciju manifestacija u MZ, te organizovane sastanke sa građanima radi definisanja prioriteta (UNDP projekat) i stvarnih problema građana određenih zaseoka, dolazimo do brojke **od preko 1500 aktivista u 25 MZ.**

Tokom 2019. godine izvršena je zamjena Predsjednika Savjeta u MZ Vukovo i MZ Bobare, Drinčići, Blaževci, dok je zamjena predsjednika Savjeta MZ Karadaglije u toku. Ove zamjene su pokrenute na osnovu ličnog zahtjeva prethodnih predsjednika Savjeta, uvedenog povjereništva u MZ Bobare,

Drinčići, Blaževci i iz privatnih razloga. U nekoliko MZ došlo je do zamjena članova Savjeta i Skupština iz različitih razloga od privatnih razloga, podnošenja ostavki, promjene političke opcije i sl., Tom prilikom ovim mjesnim zajednicama pružena je pomoć u provođenju propisanih poslovnih procedura. Izvršen je izbor sekretara u mjesnoj zajednici Mrkotić, MZ Vukovo i MZ Bobare, Drinčići, Blaževci, dok je lice za obavljanje administrativno tehničkih poslova u MZ Džemilić Planje podnijelo ostavku i po okončanju izrade izvještaja za 2019. godinu najvjerovatnije će doći do zamjene sekretara i u ovoj MZ. Napomenuo bih da je sve teže naći lica za obavljanje poslova tehničkog sekretara MZ zbog malih primanja i nezasnivanja radnog odnosa, a sve više trenutnih sekretara traži bolji angažman.

Tokom izvještajnog perioda ostavka na mjesto Predsjednika skupštine podnesena je u MZ Dobropolje Mekiš, ista je usvojena na prvoj radnoj sjednici Skupštine ove MZ i izabran je novi predsjednik. I za ovaj slučaj dodatno su pojašnjene procedure koje se trebaju ispoštovati da bi došlo do zamjene predsjednika skupštine.

Osim nekoliko usmenih upozorenja za izvještavanje i podsjećanja na obaveze MZ za održavanje sastanaka i dostavljanje zapisnika, te pismenog upozorenja za otklanjanje nedostataka, nije bilo izricanja mjera obustava uplata sredstava za MZ, a nakon upozorenja uočeni nedostaci su otklonjeni. Stalna koordinacija sa knjigovodstvenim servisom u cilju dostizanja višeg nivoa zakonitosti u trošenju sredstava i izvještavanju o istim, u dva navrata predstavnik knjigovodstvenog servisa prisustvovao je edukacijama predstavnika MZ, te pojasnio obaveze organa MZ i upoznao iste sa eventualnim izmjenama u načinima obračunavanja određenih poreza i doprinosa.

Općinski načelnik sa saradnicima tokom godine je organizovao 18 sastanaka sa predstavnicima 16 mjesnih zajednica, uglavnom na zahtjev predstavnika MZ. Općinski načelnik je organizovao i 4 tematska sastanka sa svim predsjednicima savjeta i sekretarima MZ. Prvi sastanak se odnosio na realizaciju kapitalnih projekata u MZ gdje su se predsjednici izjašnjavali o spremnosti projekta i u kojem periodu žele da se realizuje, a drugi sastanak je bio u cilju analize nanesenih šteta i poduzetih mjera na posljedicama otklanjanja elementarne nepogode Poplava koja je ovo područje zadesila 24.08.2019. godine. Preostala dva tematska sastanka su bili sa predstavnicima organa MZ kroz koje prolazi trasa koridora 5c. Na istim su predstavnici MZ upoznati sa idejnim rješenjem i podjeljene im karte Koridora prema idejnom projektu, te data mogućnost da identifikuju primjedbe i prijedloge na isti. Ovo se pokazalo kao dobra praksa, jer se u kratkom roku rješavaju sitni problemi koji opterećuju rad organa MZ, te se popravljaju međusobna komunikacija.

Edukacija: Realizovano je 11 edukacija sekretara i predsjednika Savjeta MZ. Prisustvo sekretara 70,54% ili 17,63 prisutnih sekretara po terminu (prisustvo je manje od očekivanog, jer dvije MZ veći dio godine nisu imale angažovanog sekretara, a neki od sekretara obavljaju i druge poslove pa su bili spriječeni da prisustvuju), prisustvo predsjednika savjeta 12,7 % ili 3,25 po terminu edukacije, što je također opravdano jer je većina predsjednika u radnom odnosu i ne mogu biti prisutni na edukacijama. Pored redovnih edukacija općinski Načelnik je održao dva sastanka sa predstavnicima MZ kroz koje prolazi trasa Koridora 5c i to LOT Medakovo-Crni vrh (predstavnici 6 MZ- prisutno 25 članova) i LOT Karuše-Medakovo (predstavnici 4 MZ-prisutno 11 članova) na kojima je organima MZ predstavljen idejni projekat, te traženo da dostave eventualne primjedbe i zahtjeve na isti. Predstavnicima MZ su naknadno dostavljene printane karte Idejnog projekta, a koordinator za rad sa MZ (na poziv MZ) je prisustvovao na sastancima MZ i detaljnije prenio podatke o trasi.

NVO

Općina je u 2019. godini finansirala ukupno 83 projekata. Iz oblasti kulture finansirano je 16 projekata, oblast sporta 40 projekata, ostala udruženja 25 projekata, te dva udruženja za sajamske aktivnosti. Za Udruženja od posebnog interesa (definirano Odlukom Općinskog vijeća) Općina Tešanj je također obezbjedila podršku u redovnom radu. Kao i ranije realizovani su različiti sadržaji na području općine Tešanj, ali i dana podrška u učešću na raznim događajima u zemlji i inostranstvu. I ove godine su organizovane Sportske igre mladih, Izbor sportiste godine, pojedinačni sportski turniri, Izložba sitnih životinja, gastroizložbe, izložbe u saradnji sa CKO, bibliotekom, muzejom i IVZ-om Tešanj. Organizovane su različite ekološke aktivnosti, dva sajma (privrede i pčelarstva), različite edukacije predstavnika udruženja i mladih aktivista. Udruženja su učestvovala i u organizaciji i realizaciji programa manifestacija (Dani grada, Tešanjско proljeće i Ljeto u Tešnju). Podržana je dalje izgradnja sportske infrastrukture Udruženja i sportskih klubova. Priznat je i angažman i uspjesi sportskih kolektiva i pojedinaca kroz prijem, ali i novčane nagrade. Za djecu dijabetičare, putem udruženja SUGAR, obezbjedili smo nabavku LIBRI (senzorskih uređaja za mjerenje šećera bez ubadanja) nastavak ranije započetih aktivnosti.

BORAČKE POPULACIJE

Ostvarivanje prava boračkih populacija nije u direktnoj nadležnosti općine nego su prenesene nadležnosti/obaveze od ZDK, te se po službenoj dužnosti ili po zahtjevu stranaka radi na donošenju prvostepenih rješenja u predmetima priznavanja prava na porodičnu i ličnu invalidninu i ortopetska pomagala. Služba vrši redovni mjesečni obračun invalidnina za 1157 korisnika porodične i lične invalidnine i isti dostavlja Ministarstvu za boračka pitanja ZDK, koje objedinjuje podatke svih općina sa područja ZDK i dostavlja na združivanje sa ostalim dijelom korisnika boračko-invalidske zaštite Federalnom ministarstvu za pitanja boraca i invalida, a koje korisnicima vrši isplatu putem banaka. Na ovaj način za korisnike porodične i lične invalidnine općine Tešanj realizovano ukupno **3.612.870,70 KM**. U 2019. godini je izdato 1628 uvjerenja iz službenih evidencija. Služba vodi poslove za korištenje obaveznog zdravstvenog osiguranja za boračke populacije, a u 2019. godini smo imali 39 novih zahtjeva. Prosječan broj korisnika koji ostvaruju ovo pravo je oko 348. Finansijski pregled porodične i lične invalidnine za 2012.-2019. godinu.

godina 2012	4.158.868,02
godina 2013	4.289.321,87
godina 2014	4.157.691,92
godina 2015	3.942.976,87
godina 2016	3.855.494,65
godina 2017	3.793.966,86
godina 2018	3.700.877,38
godina 2019	3.612.870,70

Kada su u pitanju dopunska prava korisnika po kantonalnim propisima situacija se značajno popravila, te nema neizmirenih obaveza prema korisnicima, a što je u ranijem periodu bio slučaj. Treću godinu za redom nastavljen je uspješan projekat poticaju samozapošljavanja i zapošljavanja boračkih populacija, a što je realizovano putem javnog poziva. Sve navedeno je vidljivo u sljedećoj tabeli:

Naziv postupka	Broj zahtjeva	Uvaženo zahtjeva	Odbijeno zahtjeva	Neriješenih zahtjeva	Odobreno sredstava 2019 (KM)	Dugovanja iz 2018. godine i ranije	Isplaćeno u 2019. godini (KM)	Planirane prenesene isplate u 2020. godinu
JNP putem organa uprave (općinska sredstva)	293	280	11	2	62383,13	0	62383,13	0
Dodjela prehrambenih paketa (općinska sredstva)	273	273	0	0	15331,88	0	15331,88	0
Vanredna novčana pomoć	335	303	32	0	81150	1600	75050	7700
Zahtjev za pomoć u liječenju	365	341	24	0	125005	3450	128455	0
Nabavka ortopedskih pomagala	11	10	1	0	8821,65	0	8821,65	0
Pomoć u nabavci udžebenika	175	163	12	0	21700	0	21700	0
Pomoć u stambenom zbrinjavanju (Kanton)	62	8	43	11	27000	37000	64000	Nije okončan konkurs u 2019.
Zahtjev za odobrenje stipendije za školsku 2018/19	184	176	8	0	191600	0	191600	0
Banjko liječenje	124	42	33	49	X	x	X	x
Pomoć u snošenju troškova dženaze	133	111	2	20	103843,5	0	93175,5	10668
Zahtjev za ličnu invalidninu	16	9	6	1	X	x	X	x
Samozapošljavanje i upošljavanje boračke populacije	98	75	23	0	289500	0	84700	Uplate idu sukcesivno po ugovorima
Zahtjev za porodičnu invalidninu	40	40	0	0	X	x	x	x
Zdravstveno osiguranje	39	38	1	0	X	x	x	x
Ukupno	2130	1856	191	116	636.835,16	42.050,00	699.917,16	18.368,00

Zakon o pravima demobiliziranih branilaca i članova njihovih porodica

S obzirom da je donesen Zakon o pravima demobiliziranih branilaca i članova njihovih porodica u kojem su predviđena neka od prava, njegovim stupanjem na snagu, 8.8.2019. godine Služba je primala zahtjeve i rješavala po istim.

Članom 4. stav 1. e), Zakona o pravima demobiliziranih branilaca i članova njihovih porodica ("Sl.novine FBiH", broj: 54/19) predviđeno je pravo na novčanu egzistencijalnu naknadu demobilisanim borcima, koju može ostvariti demobilisani borac koji ima navršanih 65 godina

života, pod uslovom da je bio pripadnik OS BiH najmanje 12 mjeseci, ukoliko ima prebivalište na teritoriji Bosne i Hercegovine i ako ostvaruje prihode manje od 50% minimalne penzije isplaćene u Federaciji Bosne i Hercegovine za mjesec decembar 2018. godine, odnosno od 174,03 KM. Pravo na egzistencijalnu naknadu može ostvariti i demobilisani borac koji ima navršenih 57 godina života pod uslovom da je bio pripadnik OS BiH najmanje 12 mjeseci, da je prijavljen kao nezaposleno lice kod nadležne službe za zapošljavanje najmanje godinu dana prije podnošenja zahtjeva za ostvarivanje prava, ukoliko ima prebivalište na teritoriji Bosne i Hercegovine. **Demobilisanim borcima u smislu ovog zakona smatraju se svi borci koji u periodu od 18.09.1991. do 22.04.1996. godine imaju minimalno godinu dana u OS BiH, pod uslovom da ne postoje okolnosti iz člana 36. Zakona o pravima branilaca i članova njihovih porodica ("Sl. novine FBiH", broj: 33/04, 56/05, 70/07, 9/10, 90/17) (da nisu dezerteri).** Visina naknade iznosi 5 KM po mjesecu te shodno tome minimalna naknada na mjesečnom nivou iznosi 60 KM, a maksimalna 275 KM. Za rješavanje zahtjeva nadležna je općinska služba po mjestu prebivališta podnosioca zahtjeva. Za demobilisane borce sa prebivalištem u Republici Srpskoj, za rješavanje zahtjeva nadležna je najbliža općinska služba u Federaciji Bosne i Hercegovine. Shodno tome, Služba za boračko-invalidsku zaštitu Općine Tešanj nadležna je za rješavanje zahtjeva demobilisanih boraca sa prebivalištem u općini Teslić. Svi predmeti koji su pozitivno riješeni šalju se na reviziju i tek po vraćanju sa revizije, unose se u program za obračun, zbog čega procedura duže traje. Zaključno sa 31.12.2019. godine zaprimljeno je ukupno 548 zahtjeva za priznavanje prava na novčanu egzistencijalnu naknadu.

U tabeli je detaljno prikazano stanje rješavanja zahtjeva za priznavanje prava na egzistencijalnu novčanu naknadu:

Podneseni zahtjevi	Obradeno	Uvaženo	Odbijeno	Neriješeno	Mjesečni iznos trenutno (promjenjivo)	Isplaćeni iznos u 2019.
548	515	438	77	33	89,941 KM	314,977 KM

PENZIONERI, SOCIJALNA ZAŠTITA

Koliko god općina nastojala da pomogne, rješenje problema sa kojima se susreće 5392 penzionera (podatak o isplaćenim penzijama za decembar 2019) sa područja općine, ne može ponuditi općina. Penzioneri sa prostora općine Tešanj čine 1.27 % populacije penzionera FBiH. Prisutno je 3.025 korisnika starosnih penzija, 778 invalidskih i 1.589 porodičnih penzija na prostoru općine Tešanj.

DOMAĆE I MEĐUNARODNE INSTITUCIJE-SARADNJA SA DRUGIMA

Saradnja sa drugim općinama

Nastavljena je saradnja sa drugim općinama. Naročito je bila prisutna intenzivna saradnja sa susjednom općinom Usora (zajednički kolektori i uređaj za tretman otpadnih voda i dr.). Postignut je važan sporazum općina Usora i Tešanj i na osnovu njega obezbijeđena građevinska dozvola, te nakon toga i radovi. Sa općinama Žepče i Teslić imali smo saradnju u području mikroregije pogodne za investiranje (projekat COBEAR). Sa susjednim općinama održan je niz različitih sastanaka Teslić, Doboj, Doboj Jug, Usora, Žepče.

Tokom 2019. godine općinu su posjetile predstavnici ili zvanične delegacije općina: Bihać, Cazin, Sanski Most, Gradačac, Opštine Šoštanj (Slovenija), Bar, Cetinje, Bijelo Polje i Šavnik (Crna Gora), Costa Volpino i Angolo Terme (R Italija), te Privredna komora Crne Gore.

Ambasade i međunarodne organizacije

Općina Tešanj je u 2019. godini aktivno sarađivala sa predstavnicima ambasada akreditovanih u Bosni i Hercegovini i brojnim stranim i domaćim organizacijama. Ostvaren je kontakt sa slijedećim ambasadama u BiH: Švicarska (projekti koji su se realizirali u Tešnju), Njemačka (direktno i putem Konrad Adenauer), Ambasada SAD – Posjeta ambasadora u decembru 2019. godine. Sastanci su organizirani sa Ambasadom Japana i R. Turske (TIKA) zbog razvojnih projekata. Osim toga organizirana je posjeta Delegacije EU i ambasadora Wigemarka.

UNDP - Jačanje uloge mjesnih zajednica

Općina Tešanj je zadnje četiri godine partner u Projektu "Jačanje uloge mjesnih zajednica (MZ) u Bosni i Hercegovini (BiH)" koji je zajednička inicijativa Vlada Švicarske i Švedske, a realizuje se putem UNDP. Realizovan je niz aktivnosti o kojima su vijećnici informisani u ranijem period. Tokom 2019. godine: -Urađen je niz aktivnosti koje su u saradnji sa UNDP, SOG FBiH imale za cilj izrade Planova unapređenja MZ, poboljšanje uslova za rad, veće uključenost organa MZ i građana u proces donošenja odluka i prijedlog za izmjene i dopune zakona o principima lokalne samouprave FBiH. Projekat je u 2019. godini završio i očekujemo moguću drugu fazu projekta u kojoj nam je namjera da Tešanj bude sudionik.

UNDP - Projekat općinskog okolišnog i ekonomskog upravljanja (MEG)

Nakon što smo u 2017-toj za reformu i unapređenje javne uprave i zaštite okoliša bili prvi od osamnaest BH općina sa 97% napretka u odnosu na početno stanje i donacijom od 303.000 KM, u 2018-toj smo **ostvarili dalji napredak napretkom od 76% u odnosu na početno stanje i donacijom od 599.000 KM.**

Nastavljene su aktivnosti i u 2019-toj na unapređenju institucionalnih kapaciteta za primjenu principa dobre uprave, osiguranje kvalitetnih lokalnih usluga, učinkovitiju interakciju s relevantnim akterima i stvaranje okruženja pogodnih za poslovanje, omogućavanje novih radnih mjesta i ekonomski rast. Općina je ove godine radila na poboljšanju pružanja javnih usluga, na boljem upravljanju rezultatima, što je dovelo do poboljšanja kvaliteta rada javnog sektora i kvalitetnijih komunalnih usluga. Konkretni projekti su tretirali izgradnju i obnovu vodovodne i kanalizacione mreže, smanjenja gubitaka vode, ali i ulaganja u poslovno okruženje, podršku poduzetništvu, poticajima zapošljavanju.

Osim priznanja izvrsnosti Općina Tešanj je dobila priznanja za uspješnu saradnju na MEG projektu i priliku da u junu bude na forumu Urbana otpornost i adaptacija gradovi u gradu Bonnu i u oktobru u Briselu na Evropskoj sedmici regija i gradova. Početkom 2020-te slijedi provjera našeg napretka tokom 2019-te i očekivanja dalje podrške za infrastrukturne projekte, start up-e, softver za prijave komunalnih problema, TRA-Jačanje poslovne izvrsnosti, i dr.

Projekat zatvaranja kolektivnih centara i alternativnog smještaja putem osiguranja javnih stambenih rješenja na području Federacije Bosne i Hercegovine (CEB 2)

Što se tiče CEB II i izgradnje zgrade u Medakovu (21 stan), u okviru javnih nabavki donesena je odluka o izboru izvođača, a to je firma GTR d.o.o Mostar, u iznosu 1.475.370 KM sa PDV-om. Uslovi za potpisivanje ugovora bit će ispunjeni u januaru 2020. godine. Novi postupak izbora izvođača i kasnija realizacija projekta utiče i na druge projekte, koji imaju vezu sa uklanjanjem privremenih objekata na Vili i nastavku uređenja Poslovne zone Vila.

Drugo

Općina je tokom 2019. godine imala uspješnu saradnju sa drugim domaćim i međunarodnim institucijama. Naročito bismo mogli izdvojiti:

- OHR i Vijeće za implementaciju mira PIC (zasjedanje tokom 3. i 4. decembra 2019. i predstavljanje općine Tešanj pred 15 ambasadora najutjecajnijih država u svijetu)
- Specijalni predstavnik EU za BiH i posjeta delegacije COWEB (stalna Komisija Evropske unije za Zapadni Balkan u kojoj sudjeluju predstavnici svih zemalja članica i posjeta tokom juna 2019. godine). Delegacija od 30 osoba je u okviru posjete BiH posjetila Predsjedništvo BiH, Vijeće Ministara, Vladu FBiH i Vladu RS i posjetila je Tešanj! Osim općine Tešanj sastanku je prisustvovala i opština Teslić. Prema izjavi novog specijalnog predstavnika EU tokom sastanka u OHR-u, sastanak u Tešnju je bio posebno koristan i produktivan.
- EUFOR Lot tim

REZIME

Postoji još mnogo sadržaja i informacija koje nisu mogli stati u Izvještaj. Općinski načelnik kao organ lokalne vlasti dio je lokalne samouprave i u radu Općinskog načelnika (uostalom kao i Općinskog vijeća) uključen je organ uprave, brojne institucije, brojni pojedinci, komisije, timovi... Svi oni omogućili su provođenje u Izvještaju opisanih aktivnosti. Kao što je rečeno u uvodu sve to treba promatrati u kontekstu vremena i okolnosti.

U 2019. godini na prostoru općine Tešanj ostvarena je politička, institucionalna i finansijska stabilnost, obilježena radom na strateškim opredjeljenjima općine Tešanj i ključnim infrastrukturnim izazovima. To je pomoglo da se nastavi razvoj općine i u drugim područjima u kojima općina ima ograničen uticaj: bezbjednosti, obrazovanju, ekonomiji, kulturi, sportu, nevladinom sektoru, vjerskom životu i sl. Nastavljen je trend rasta, razvoja i napretka u brojnim područjima. Vjerovatno bismo željeli i više i bolje. To je prirodno i to će nas motivirati za budući rad, ali nam ne smije umanjiti objektivnost u pogledu na vrijeme iza nas.

Općinski načelnik

Mr.sc. Suad Huskić,
